

Die Here Jesus kom terug aarde toe/baie gou. Dit is die belofte wat Hy gemaak het 2000 jaar gelede toe hy nog op die aarde was (Johannes 14:1-3). Hoe sal ons verseker weet Hy kom terug? Lees die profesie (voorspel) wat die Here homself gese het sal plaas vind in die laaste dae. Nou keurige bestudering van die skrifte en vergelyk dit met die gebeure wat tans- plaasvind in die wereld. Dit sal bewys dat die Here Jesus waarlik terug sal kom in ons tyd.

## 1 AFBREEK VAN DIE TEMPEL

En Jesus het uitgegaan en van die tempel vertrek, en sy dissipels het nader gekom om Hom die geboue van die tempel te wys. En Jesus sê vir hulle: Sien julle al hierdie dinge? Voorwaar Ek sê vir julle, daar sal sekerlik nie een klip op die ander gelaat word, wat nie afgebreek sal word nie (Matthéüs 24:1-2, Markus 13:1-2, Lukas 21:5-6). **Dit was letterlik vervul in die jaar. 70 A.D**

## 2 TEKENS VAN SY KOMS

En toe Hy gaan sit het op die Olyfberg, regoor die tempel, vra Petrus en Jakobus en Johannes en Andreas Hom afsonderlik. Vertel ons, wanneer sal hierdie dinge gebeur, en wat is die tekens wanneer al hierdie dinge volbring sal word? (Matthéüs 24:3, Markus 13:3-4, Lukas 21:7).

## 3 VALSE PERSONE SAL VERSKYN

En Hy antwoord: Pas op dat julle nie mislei word nie; want baie sal onder my Naam kom en sê: Dit is ek! En: Die tyd is naby! Gaan dan nie agter hulle aan nie (Matthéüs 24:4-5; Markus 13:5-6; Lukas 21:8).

## 4 OORLOË EN GERUGTE VAN OORLOË

En julle sal hoor van oorloë en gerugte van oorloë. Pas op, moenie verskrik word nie, want alles moet plaasvind, maar dit is nog nie die einde nie (Matthéüs 24: 6; Markus 13:7; Lukas 21:9).

## 5 EEN NASIE SAL TEEN DIE ANDER OPSTAAN | AARDBEWINGS | HONGERSNOOD | PESSIEKTES

Toe sê Hy vir hulle: Die een nasie sal teen die ander opstaan en die een koninkryk teen die ander. En daar sal groot aardbewings op verskillende plekke wees en hongersnode en pessiëktes; en daar sal verskriklike dinge en groot tekens van die hemel kom (Matthéüs 24:7; Markus 13:8; Lukas 21:10-11).

6 Maar al hierdie dinge is'n begin van die smarte (Matthéüs 23:8; Markus 13:8).

## 7 VERVOLGINGE VAN CHRISTENE

Maar voor al hierdie dinge sal hulle die hande aan julle slaan en julle vervolg en oorlewer in sinagoges en gevangnisse en julle voor konings en goewerneurs bring ter wille van my Naam. En dit sal vir julle uitloop op'n getuienis (Matthéüs 24:9; Markus 13:9; Lukas 21:12-13).

8 En wanneer hulle jul weglei om julle oor te lewer, moenie julle voorafkwel oor wat julle sal spreek nie, en moenie daaroor dink nie; maar wat julle in dié uur gegee word, dit moet julle spreek; want dit is nie julle wat spreek nie, maar die Heilige Gees. Want Ek sal aan julle woorde en wysheid gee wat al julle teënstanders nie sal kan teëspreek of weerstaan nie (Markus 13:11; Lukas 21:14-15).

## 9 VERLOEN IN FAMILIES

Maar julle sal oorgelewer word ook deur ouers en broers en bloedverwante en vriende, en hulle sal van julle doodmaak. En julle sal gehaat wees deur almal ter wille van my Naam. En geen haar van julle hoof sal ooit verlore gaan nie. Deur julle volharding moet julle jul lewe in besit kry (Matthéüs 24:9-10; Markus 13:12-13; Lukas 21:16-19).

## 10 LIEFDE VAN DIE MEESTE VERKOEL

En omdat die ongeregtigheid vermeerder word, sal die liefde van die meeste verkoel. Maar wie volhard tot die einde toe, hy sal gered word (Matthéüs 24:12-13).

11 En hierdie **EVANGELIE VAN DIE KONINKRYK** sal verkondig word in die hele wereld tot'n getuienis vir al die nasies; **en dan** sal die eindekom (Matthéüs 24:14; Markus 13:10).

## 12 OMSINGEL EN VERWOESTING IN JERUSALEM

En wanneer julle Jerusalem deur leërs omsingeld sien, dan moet julle weet dat sy verwoesting naby is (Lukas 21:20). Wanneer julle dan die gruwel van die verwoesting, waarvan gespreek is deur die profeet Daniël, sien staan in die heiligdom- laat hy wat lees, oplet- dan moet die wat in Judeá is, na die berge vlug; en die wat in die stad is, moet uitgaan; en die wat in die buitewyke is, moet nie daar inkom nie. wie op die dak is, moet nie afkom om iets uit sy huis weg te neem nie; en wie op die land is, moet nie omdraai om sy klere weg te neem nie (Matthéüs 24:15-18; Markus 13:14-16; Lukas 17: 31;21-21). Maar wee die vroue wat swanger is en wat nog soog, in daardie dae. En bid dat julle vlug nie in die winter of op die sabbat mag plaasvind nie (Matthéüs 24:19-20; Markus 13:17-18; Lukas 21:23). En hulle sal deur die skerpte van die swaard val en as krygsgevangenes geneem word na al die nasies, en Jerusalem sal vertrap word deur die nasies totdat die tye van die nasies vervul is (Lukas 21:24).

13 **TYD VAN BENOUDEID VAN JAKOB** (Jeremia 30:6-7) Want *daardie dae* sal daar'n verdrukking wees, soos daar nie gewees het van die begin van die

skepping af wat God geskape het tot nou toe, en ook nooit sal wees nie. En as die Here dié dae nie verkort het nie, sou geen vlees gered word nie; maar ter wille van die uitverkorenes wat Hy uitverkies het, het Hy dié dae verkort (Matthéüs 24:21-22; Markus 13:19-20; Lukas 21:23). Want dit sal dae van wraak wees, sodat alles wat geskrywe is, vervul kan word (Lukas 21:22).

## 14 VALSE CHRISTUSSE EN VALSE PROFETE

As iemand dán vir julle sê: *Kyk, hier is die Christus! of daar!-* moet dit nie glo nie. Want daar sal valse christusse en valse profete opstaan, en hulle sal tekens en wonders doen om, as dit moontlik was, ook die uitverkorenes te mislei. Maar julle moet op jul hoede wees. Kyk, Ek het alles vir julle vooruit gesê (Matthéüs 24:23-24; Markus 13:21-23). As hulle dan vir julle sê: *kyk Hy is in die woestyn-* moenie uitgaan nie; *kyk, Hy is in die binnekamer-* moet dit nie glo nie. Want soos die weerlig uit die ooste uitslaan en tot in die weste skyn, so sal ook die koms van die Seun van die mens wees (Matthéüs 24:26-27; Lukas 17:23-24).

## 15 TEKENS IN DIE HEMEL

En dadelik ná die verdrukking van daardie dae sal die son verduister word, en die maan sal sy glans nie gee nie, en die sterre sal van die hemel val, en die kragte van die hemele sal geskud word (Matthéüs 24: 29; Markus 13:24-25; Lukas 21:25). En op die aarde benoudheid van nasies in hulle radeloosheid, wanneer see en branders dreun; en mense sê harte beswyk van vrees en verwagting van die dinge wat oor die wêreld kom. Want die kragte van die hemele sal geskud word (Lukas 21:25-26).





**16** En dan sal die **TEKEN VAN DIE SEUN VAN DIE MENS** in die hemel verskyn. En dan sal al die stamme van die aarde rou bedryf en die Seun van die mens sien kom op die wolke van die hemel met groot krag en heerlijkheid. En Hy sal sy engele uitstuur met harde trompetgeluid, en hulle sal sy uitverkorenes versamel uit die vier windstreke, van die einde van die aarde af tot by die einde van die hemel (Matthéüs 24:30-31; Markus 13:26-27; Lukas 21:27).

**17** En as hierdie dinge begin gebeur, kyk dan na bo en hef julle hoofde op, omdat julle verlossing naby is (Lukas 21:28).

**18** En leer van die vyeboom hierdie gelykenis: Wanneer sy tak al sag word en sy blare uitbot, weet julle dat die somer naby is. So weet julle ook, **wanneer julle hierdie dinge sien gebeur, weet dat die tyd naby is** voor die deur (Matthéüs 24:32-33; Markus 13:28-29; Lukas 21:29-31). Maar van daardie dag en dié uur weet niemand nie, ook nie die engele in die hemel of die Seun nie, maar net die Vader (Matthéüs 24:36; Markus 13:32).

**19** En net soos die **DAE VAN NOAG** was, so sal ook die koms van die Seun van die mens wees. Want net soos hulle was in die dae voor die sondvloed toe hulle geëet en gedrink het, getrou en in die huwelik uitgegee het, tot op die dag dat Noag in die ark gegaan het, en dit nie verstaan het voordat die sondvloed gekom en almal weggevoer het nie, so al ook die koms van die Seun van die mens wees (Matthéüs 24:37-39; Lukas 17:26-27).

**20** Net soos dit ook gebeur het in die **DAE VAN LOT**, hulle het geëet en gedrink, gekoop en verkoop, hulle het geplant en gebou. Maar op

die dag toe Lot van Sodom uitgaan, het vuur en swawel van die hemel af gereën en almal vernietig. Net so sal dit wees in die dag wanneer die Seun van die mens geopenbaar word (Lukas 17:28-30).

**21** Dink aan die vrou van Lot! Elkeen wat probeer om sy lewe te red, sal dit verloor; en elkeen wat dit verloor, sal dit behou (Lukas 17:32-33).

**22** Ek sê vir julle: In *daardie nag* sal daar twee op een bed wees; die een sal aangeneem en die ander verlaat word. Twee vroue sal saam maal; die een sal aangeneem en die ander verlaat word. Twee sal op die land wees; die een sal aangeneem en die ander verlaat word (Matthéüs 24:40-41; Lukas 17:34-36). En hulle antwoord en sê vir Hom: Waar, Here? En Hy sê vir hulle: Waar die liggaam lê, daar sal die aasvoëls saamkom (Matthéüs 24:28; Lukas 17:37).

## **23 WAAK EN WEES BIDDEND**

Dit is soos'n man wat op reis is, wat sy huis agtergelaat en sy diensknegte volmag gegee het, en vir elkeen sy werk, en aan die deurwagter bevel gegee het om te waak. Waak dan want julle weet nie wanneer die eenaar van die huis kom nie: in die aand of middernag of met die haangekraai of vroeg in die môre nie; dat hy nie miskien skielik kom en julle aan die slaap vind nie (Markus 13:34-36).

**24** Maar weet dit: as die huisheer gewest het in watter nagwaak die dief sou kom, sou hy gewaak en nie toegelaat het dat in sy huis ingebreek word nie. Daarom moet julle ook gereed wees, want die Seun van die mens kom op'n uur dat julle dit nie verwag nie (Matthéüs 24:43-44).

**25** Maar pas op vir julleself, dat julle harte nie miskien beswaar word deur swelgery en dronkenskap en sorg van die lewe nie, en dié dag julle nie skielik oorval nie. waak en bid, want julle weet nie wanneer die tyd daar is nie. Want soos 'n strik sal hy kom oor almal wat op die hele aarde woon (Markus 13:33; Lukas 21:34-35).

**26** Waak dan en bid altyddeur, sodat julle waardig geag mag word om al hierdie dinge wat kom, te ontvlug en voor die Seun van die mens te staan (Lukas 21:36).

**27** Voorwaar Ek sê vir julle, *hierdie geslag* sal sekerlik nie verbygaan voordat al hierdie dinge gebeur het nie. Die hemel en die aarde sal verbygaan, maar my woorde sal nooit verbygaan nie (Matthéüs 24:34-35; Markus 13:30-31; Lukas 21:32-33).

**Sit op die Glorie ryke troon van die koning. Die Here Jesus Christus kom weer gou met groot krag en glorie vergesel van sy engele en Heiliges.**

**Vrees God en gee Hom heerlijkheid, want die uur van sy oordeel het gekom; en aanbid Hom wat die hemel en die aarde en die see en die waterfonteine gemaak het (Openbaring 14:7)**

**GEEN TYD OM TE VERSPIL!  
DIE KONINGRYK VAN GOD HET NADER GEKOM. BEKEER EN GLO IN DIE EVANGELIE.**

**MAAK GEREED OM JOU GOD TE ONTMOET!**



*Evangelie  
Van Die  
Koningryk  
Van God*

**AFRIKAANS | SOUTH AFRICA**

Waghou ANGEL TV | AFRICA  
Satellite: IS 20; 68.5 Degrees East  
Transponder: EF 28K  
Frequency: 12562 MHz  
Symbol Rate: 26657 Msps  
Polarization: Horizontal  
Modulation: DVB-S/QPSK  
FEC: 2/3